

Sarhatlić Hamed - Hamo

Nakon duže bolesti, dana 23.07.2002. godine zauvijek je prestalo da kuca srce našeg cijenjenog i uvaženog kolege Sarhatlić Hameda Hameda – Hame.

Rođen je 07.01.1954. godine u selu Dolovi – općina Višegrad. Kao četvorogodišnji dječak sa svojim roditeljima dolazi u Sarajevo gdje je stekao osnovno obrazovanje a potom upisuje i završava srednju Geodetsku tehničku školu, takođe u Sarajevu.

Poslije odsluženja vojnog roka, zapošljava se u Hidrometeorološkom zavodu u Sarajevu, gdje je radio do 1982. godine, zatim prelazi u Hidrogradnju gdje se zadržao do 1984. godine kada je zasnovao radni odnos u Geodetskom zavodu, gdje je obavljao razne poslove vezane za svoj geodetski poziv.

Njegova sposobnost u struci, posebno vezana za terenske radove, osjetila se širom BiH. Vršio je poslove premjera od samih priprema do izlaganja. Vedar, brz i vrlo stručan, prelazi u radnu jedinicu "Inženjerska geodezija" i izvršava jako kvalitetno i precizno sve zadatke koji su mu bili naloženi, od snimanja raznih situacija, podloga, snimanja podzemnih instalacija i drugih radova.

Hamo je bio jako cijenjen i poštovan od svojih radnih kolega iz struke kao i mnogobrojnih prijatelja i poznanika širom Bosne.

1992. godine kada je počeo agresorski rat na našu domovinu, Hamo se našao u redovima naše odbrane već na samom početku i bio je sve do 18.04.1996. godine, kada se opet vraća na svoje predratne poslove i zadatke.

2001. godine Hamo oboljeva, bori se sa bolešću ali ovaj put bolest je prevladala i njegov život se ugasio 23.07.2002. godine.

Cvijeće na njegov mezar, na groblju u Vlakovu, nosiće zauvijek njegova kćerka i supruga koje je neizmjereno volio.

U ime njegovih kolega i prijatelja, još jednom veliko HVALA.

Ehlimana Uzunović